



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 413
fax. +387 33 726 414
e – mail: info@voda.ba

Broj: **UP-1/21-2-40-510-2/23**
Datum: **24.11.2023. godine**

«Agencija za vodno područje rijeke Save» Sarajevo rješavajući po zahtjevu Službe za komunalne poslove i infrastrukturu Općine Ilidža za izdavanje vodne saglasnosti za izgradnju šetnice od podvožnjaka Lužansko polje do magistralnog puta M17, na lijevoj obali rijeke Željeznice, na osnovu člana 109. stav (1) tačka 9., a u vezi sa članom 12. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 49/99 i 63/22), **donosi**

RJEŠENJE **o vodnoj saglasnosti**

1. Podnosiocu zahtjeva Služba za komunalne poslove i infrastrukturu Općine Ilidža daje se vodna saglasnost za izgradnju šetnice od podvožnjaka Lužansko polje do magistralnog puta M17, na lijevoj obali rijeke Željeznice, u dužini cca 600 m, na zemljištu označenom kao k.č. 171/1, 172, 173/2, 2076, 367/1i 349/1 K.O. Ilidža, općina Ilidža, u postupku pribavljanja odobrenja za građenje.
2. Vodna saglasnost se donosi na osnovu utvrđenog činjeničnog stanja i pregleda projektne dokumentacije – „Izvedbeni projekat – Šetnica od podvožnjaka Lužanskog polja do magistralnog puta M17 pored rijeke Željeznice“, urađena od strane „PPG“ d.o.o. Sarajevo, mart 2023. godine, koja se ovjerena vraća podnosiocu zahtjeva na trajno čuvanje i čini sastavni dio ovog Rješenja, a ista će se koristiti u postupku pribavljanja odobrenja za građenje.
3. Dostavljeni Izvedbeni projekat je urađen u skladu sa osnovnim uslovima iz Rješenja o prethodnoj vodnoj saglasnosti broj: UP-1/21-1-40-576-5/22 od 27.12.2022. godine. Vodna saglasnost se donosi na temelju dostavljene projektne dokumentacije pod slijedećim uslovima:
 - 3.1. Izvođenje radova na izgradnji šetnice od podvožnjaka Lužanskog polje do magistralnog puta M17, na lijevoj obali rijeke Željeznice, u dužini cca 600 m, vršiti u skladu sa ovjerenom projektnom dokumentacijom iz tačke 1. ovog Rješenja, tj. na način utvrđen u opisu tehničkog rješenja iz navedene projektne dokumentacije.
 - 3.2. Prilikom izvođenja radova treba koristiti opremu i mašine koje su tehnički ispravne, bez curenja tečnih goriva, maziva, hidrauličkih ulja i sl.
 - 3.3. Investitor (korisnik vodne saglasnosti) je u obavezi da angažuje stručno lice sa osnovnim zadatkom kontinuiranog nadzora (praćenja i kontrole) nad provođenjem projektovanih aktivnosti na terenu.
 - 3.4. Predvidjeti da se sav nastali otpad prikuplja i zbrinjava izvan površina obuhvaćenih uticajem velikih voda, a u skladu sa važećim propisima o postupanju sa otpadom.
 - 3.5. Nakon završetka radova neophodno je radni pojas koji uključuje korito, inundacioni pojas i obale rijeke urediti i očistiti od gradilišnih objekata, mehanizacije i gradilišnog otpada.
 - 3.6. Planom organizacije gradilišta koje će se formirati u funkciji provođenja navedenih aktivnosti, treba osigurati da mjesta za smještaj građevinske mehanizacije, tečnih goriva i maziva budu locirana izvan nivoa velikih voda i na takvoj udaljenosti da ne mogu imati negativan uticaj na vodotok.
 - 3.7. Ukoliko se cisterne i rezervoari s gorivom planiraju postaviti na gradilištu, iste je potrebno postaviti u prihvatne posude ili izvesti s dvostrukom stjenkom prema posebnim propisima i izvan zone uticaja na površinske i podzemne vode.

- 3.8. Tehnologiju izvođenja radova u obalnom pojasu vodotoka prilagoditi uslovima na terenu uz odgovarajuća osiguranja ljudi i materijalnih dobara.
- 3.9. Prije početka radova potrebno je obnoviti oznake poprečnih profila koje moraju biti jasno vidljive rukovaocu mehanizacije koja će se koristiti, a i u cilju lakše kontrole izvršenih radova. Parcelu/lokalitet na kojem će se izgradnja šetnice obavezno iskolčiti i iskolčavanje održavati tokom vršenja svih radova.
- 3.10. Izvođač radova je dužan da uredno vodi dnevnik rada sa tačno definisanim lokalitetima iskopa, dubini iskopa i svim ostalim podacima koji se uobičajeno vode kod ovakve vrste radova.
- 3.11. Tačke početnog snimanja održavati u ispravnom stanju sve do izrade završnog elaborata i konačnog obračuna bilansa zemljanih radova, a za što je odgovoran izvođač radova i nadzorni organ imenovan od strane Investitora.
- 3.12. Planom organizacije gradilišta koje će se formirati u funkciji provođenja navedenih aktivnosti, treba osigurati da mjesta za smještaj građevinske mehanizacije, tečnih goriva i maziva budu locirana izvan nivoa velikih voda i na takvoj udaljenosti da ne mogu imati negativan uticaj na vodotok.
- 3.13. Ukoliko se cisterne i rezervoari s gorivom planiraju postaviti na gradilištu, iste je potrebno postaviti u prihvatne posude ili izvesti s dvostrukom stjenkom prema posebnim propisima i izvan zone uticaja na površinske i podzemne vode.
- 3.14. Nakon završetka radova, potrebno je izvršiti ravnanje obala i pojasa u kome su vršeni radovi, tj. dovodenje kompletnog terena u projektovano, odnosno, na prostorima koji su korišteni u toku gradnje, u prvobitno stanje. Sve kolizije sa infrastrukturnim objektima (instalacije vodovoda i kanalizacije, elektro instalacije i sl.) na lokalitetu na kojem će se vršiti radovi, ukoliko do takvih situacija dođe tokom izvođenja radova, prethodno će se rješavati uz saglasnost mjesno nadležnog operatera koji upravlja tim objektima i instalacijama i isti će dati tehničke uslove za izvođenje ovih radova.
- 3.15. Podnosilac zahtjeva je obavezan ispoštovati uslove iz Rješenja o urbanističkoj saglasnosti broj: 03-19-5668/22 M. izdatog dana 13.01.2023. godine od strane Službe za prostorno uređenje Općine Ilidža.
4. Ukoliko se izvođenjem radova na izgradnji šetnice na predmetnom potezu rijeke Željeznice ili drugim aktivnostima vezanim za predmetne radove prouzrokuju štete i naruši stabilnost korita, drugih objekata i obala vodotoka ili nanese šteta trećim licima, podnosilac zahtjeva je obavezan uzroke nastanka štetnih promjena otkloniti, a nastale štete nadoknaditi.
5. U slučaju vanrednih situacija, havarijskih onečišćenja i drugih sličnih okolnosti koje bi nastupile u toku izvođenja radova i ugrozile kvalitet voda, obavezno izvijestiti nadležne organe i postupati po nalogu mjerodavnih institucija, te preduzimati hitne mjere i aktivnosti na sprječavanju širenja onečišćenja i na otklanjanju uzroka onečišćenja.
6. U periodu važenja ovog rješenja, izvođač radova je dužan provoditi sve mjere i aktivnosti propisane u dispozitivu ovog rješenja kao i uslove propisane od strane drugih nadležnih organa ukoliko isti nisu u suprotnosti sa uslovima iz ovog rješenja.
7. Korisnik vodne saglasnosti je dužan da prije početka izvođenja radova riješi imovinsko pravne odnose na lokalitetu izvođenja radova, formiranja privremenih gradilišta, pristupnim putevima i deponiji za odlaganje izvađenog materijala.
8. Ukoliko se pojavi višak materijala iz iskopa prilikom izvođenja zemljanih radova, potrebno je isti odložiti na deponiju izvan vodnog dobra, a sve u skladu sa uputama Investitora, tj. korisnika ove vodne saglasnosti.
9. Ova vodna saglasnost prestaje da važi istekom roka od dvije godine od dana njene pravosnažnosti ukoliko do tog dana nije pribavljeno odobrenje za izvođenje predmetnih radova od strane nadležnog organa i započeti radovi.
10. Ovo rješenje o vodnoj saglasnosti može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Služba za komunalne poslove i infrastrukturu Općine Ilidža je podnijela zahtjev za donošenje Rješenja o vodnoj saglasnosti za izgradnju šetnice od podvožnjaka Lužansko polje do magistralnog puta M17, na lijevoj obali rijeke Željeznice, u dužini cca 600 m, na zemljištu označenom kao k.č. 171/1, 172, 173/2, 2076, 367/1 i 349/1 K.O. Ilidža, općina Ilidža, u postupku pribavljanja odobrenja za građenje, prema Izvedbenom projektu: „Šetnica od podvožnjaka Lužansko polje do M17 pored rijeke Željeznice“, urađenom od strane projektne kuće „PPG“ d.o.o. Sarajevo, mart 2023. godine.

Uz zahtjev za izdavanje vodne saglasnosti dostavljena je slijedeća dokumentacija:

- Kopija Odluke o osnivanju jedinstvenog općinskog organa uprave stručnih i posebnih službi Općine Ilidža, Službene novine Kantona Sarajevo, broj 33/09;
- Ovjerena kopija uvjerenja o registraciji poreznog obveznik izdatog od strane Porezne uprave FBiH - Kantonalni porezni ured Sarajevo, od 15.01.2021. godine;
- Kopija Rješenja o prethodnoj vodnoj saglasnosti broj: UP-1/21-1-40-576-5/22 od 27.12.2022. godine donesenog od strane Agencije za vodno područje rijeke Save Sarajevo;
- Kopija Rješenja o urbanističkoj saglasnosti donesenog od strane Službe za prostorno uređenje Općine Ilidža, broj: 03-19-5668/22 M. dana 13.01.2023. godine;
- Saglasnost data od strane Udruženja sportsko ribolovnog društva „Ilidža“ broj: 109-11/22 dana 16.11.2022. godine;
- Izvedbeni projekat: „Šetnica od podvožnjaka Lužansko polje do M17 pored rijeke Željeznice“, urađenom od strane projektne kuće „PPG“ d.o.o. Sarajevo, mart 2023. godine.
- Izveštaj o izvršenoj kontroli tehničke dokumentacije „izvedbeni projekat šetnice od podvožnjaka Lužansko polje do M17 pored rijeke Željeznice“ urađenom od strane Instituta za građevinarstvo „IG“ d.o.o. Banja Luka, august 2023. godine;
- Dokaz o uplati upravne pristojbe.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U provedenom postupku konstatovano je sljedeće:

- Izvedbeni projekat iz tačke 2. dispozitiva ovog Rješenja, urađen je od strane ovlaštenog pravnog lica koje posjeduje ovlaštenja za izradu projektne dokumentacije prema Pravilniku o uvjetima i kriterijima koje mora ispunjavati pravno lice za izradu dokumentacije na osnovu koje se izdaju vodni akti („Službene novine Federacije BiH“, broj 17/08 i 38/12).
- Planirani radovi spadaju u kategoriju aktivnosti obuhvaćenih članovima 80. i 81. Zakona o vodama.

Priloženi Izvedbeni projekat sadrži:

- Geodetsko obilježavanje i iskolčavanje karakterističnih tačaka neophodnih za izvođenje radova;
- Situaciju MJ 1:500, uzdužne i normalne profile šetnice;

Nakon uvida u dostavljenu dokumentaciju konstatovano je slijedeće:

Na lijevoj obali rijeke Željeznice na lokalitetu od podvožnjaka Lužansko polje do magistralnog puta M17, u dužini od cca 600 m, planirana je izgradnja šetnice po obaloutvrđi, koja je izgrađena da spriječi izlivanje rijeke Željeznice za vrijeme plavnih perioda. Planirana širina šetnice je 2.0 m. Odvodnja voda je riješenja poprečnim i uzdužnim padovima. Duž šetnice projektom je predviđeno pet odmarališta dimenzija 3.0x3.0 m sa ugradnjom po dvije parkovske klupe, na međusobnoj udaljenosti ne većoj od 150.0 m.

U ispitnom postupku utvrđeno je da je projektna dokumentacija urađena u skladu sa uslovima iz prethodne vodne saglasnosti, broj: UP-1/21-1-40-576-5/22 od 27.12.2022. godine izdate po zahtjevu

Općine Ilidža, te je shodno članu 114. Zakona o vodama, upisivanjem broja i stavljanjem otiska pečata ove Agencije, data vodna saglasnost na istu.

Na osnovu priloženog Izvedbenog projekta i utvrđenog činjeničnog stanja, a u cilju smanjenja negativnih uticaja predmetne gradnje na stanje voda i vodni režim, podnosiocu zahtjeva su ovom vodnom saglasnosti, u dispozitivu ovog rješenja, propisani uslovi koje je potrebno ispuniti tokom izvođenja radova, shodno odredbama člana 114. Zakona o vodama, te člana 7. Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH» broj 31/15, 55/19, 41/20 i 63/22), valjalo riješiti kao u dispozitivu ovog rješenja.

Podnosilac zahtjeva je uplatio upravnu taksu u iznosu 60, 00 KM u skladu sa članom 7. stav 1. Tarifni broj 43. Zakona o federalnim upravnim taksama („Sl.novine FBiH” broj: 6/98, 9/08, 45/10 i 43/13).

UPUTA O PRAVNOM LIJEKU:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15,0 KM administrativne takse, prema tarifnom broju 3. Tarife Federalnih administrativnih.

Voditelj postupka: Aida Bezdrob, dipl.inž.građ.

Prilog: Ovjeren Izvedbeni projekat: „Šetnica od podvožnjaka Lužansko polje do M17 pored rijeke Željeznice”, urađenom od strane projektne kuće „PPG” d.o.o. Sarajevo, mart 2023. godine;

Po ovlaštenju
Rukovodilac sektora za izdavanje
vodnih akata


Haris Ališehović, dipl.inž.građ.

Dostaviti:

- Općina Ilidža, Služba za komunalne poslove i infrastrukturu, Butmirska cesta 12, 71210 Ilidža (Prilog);
- AVP Sava, ISV – Vodna knjiga
- Sektor 40, arhiva
- Oglasna ploča AVP – Sava